

ENFORMAZIUNS Y COMUNICAZIUNS

Oferta dal Vëdres Sané: La Ploania à cöst'edema partì fora te scora elementara les scatores, olache i mituns po mëter ete l'oferta „Misereor“ por la püra jont. Al dess ester na ocajiun por ti mostré ai mituns che inçe ëi po dé en aiüt por la jont co vir tla poverté, tla meseria. La scatora podarà gnì dada jö pla gran funziun dal Vëdres Sané d'omisdé.

Encuntada: En dèdölönesc ai 6 de merz ales 3 d'omisdé èl tla sonta dal Raiun Sozio-Sanitar ta Picolin la proscima encuntada por porsones co ciara de jont atompada y/o amarada. Enformaziuns ciafëise al numer 0474/524513. Düc è dër bel enviës.

Jogn: Cöst' edema sarà le local dai jogn d'Al Plan davert en jöbia ai 8 de merz dales 13:15 ales 17:15. Düc i jogn dai 11 ai 18 agn è enviës da gnì a passé le tomp lède deboriada pa na cartada, na partida a calceto, en film o n'atra ativité. I jogn y les jones ne mëss nia sté döt le tomp te local, mo ai po gnì y jì canche ai ô. Al è debann! Le Sorvisc ai Jogn s'aspeta!

Zënter Families: Le Zënter Families Mareo enviëia i geniturs a na spazierada a tomp de löna, en dèdemesaledema ai 7 de merz. Le spazier pëia ia sön Chës Costes - Pipa ales 20:00, passa jö por plaza de païsc (za. 20:15), Str. Plan de Coronas - La Bronta, Ras - Costa, Riffa y spo endô Chës Costes. L'idea è che vignönn co vën empara, se liëia al grup canche al passa. I starun chié sö dla ücia Riffa a se bëre val'. Enformaziuns pa Luca al 338/6690440.

Ères: Inçe les ères dla Val Badia tol pert eniann al pelegrinaje en Jënn, deboriada con les ères de döt la diozeja, en sabeda ai 24 de merz. Al vën organisé en bus co pëia ia da Colfosch y passa jö por la valada. A Tluses s'encuntun con l'ater grup por jì deboriada en prozesciun sön Jënn, olache al gnarà zebré na bela funziun te Dlijia. Dötes les Ères dal Decanat è enviades al pelegrinaje. Al è na bona ocajiun por s'encunté y perié deboriada. Por i orars dal bus y prenotaziuns: cina ai 18 de merz pa Clara al 0474/501850.

Curs: La "Südtiroler Herzstiftung" organisëia en curs de ginastica de reabilitaziun por porsones con maraties cardiovascolares, da setëmber a jügn, vigne lönesc dales 18 ales 19, te palestra da San Martin. Referënt è Markus Winkler. Dertan le curs sarà inçe en dotur (cardiologh Felix Pescoller o le dotur de medejina Franz Comploi). Le curs costa 150,00€. Enformaziuns y prenotaziuns: Renato Paratscha (coordinadù) al 348/7457309.

Iade: Le KVV Val Badia organisëia en iade de pelegrinaje a Erfurt, dai 30 d'aorì ai 3 de mà. Le iade con döt laprò costa 450,00€ (+60,00€ por ciamera singola). Prenotaziuns vën tutes sö cina che al è lerch pa Hilda Sottara al 0474/523133 o 338/9231013. Con la prenotaziun èl inçe da païé ete tla Raika le prisc dal iade. Programs plü avisa pal raprejentant de païsc.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.
Telefönn y fax de calogna: 0474 501006. Radio Ploania: MhZ 93,00
Comunicaziuns - cina al dèdemesaledema sèra - da mené a: Pablo Palfrader
Tel. 333 4762010 Mail: ploaniaalplan@gmail.com
Ploania da descárié sön www.comun.mareo.bz.it y sön www.valbadiaonline.it



Ploania
d'Al Plan
de Mareo

La plata de Ploania

E-Mail: ploaniaalplan@gmail.com - Radio: 93,00 MhZ

2. Domëgna de Carsëma, ann B, ai 04.03.12 - nr. 15

"AL È BUN CH'Ì SUN ATLÒ!"

Dal vagnele dô San Merch, 9, 2-10

Te chël tomp ²a Gejù tut Pire, Iaco y Jan sön na pert y i à condüt sön na gran munt, mo mà ëi susc. Y al è gnü trasfiguré dan da sü edli; ³sü guané è gnüs blané raioné, tan blané co degün laadù söla tera n'è bun da i fà. ⁴Danlò èl apari dan da sü edli Elia y con èl Mosè, y ai baià con Gejù. ⁵Pire ti à dit a Gejù: Maester, al è bun ch'ì sun atlò. I orun fà sö trëi üces, öna por tè, öna por Mosè y öna por Elia. ⁶Mo al ne sà nia ci ch'al se dijea, ciodich'ai ea döt amatis dla tèma. ⁷Spo èl gnü en nio co à lascé tomé söa ombria sön ëi, y fora dal nio cherdà na usc: Cösc è mio Fi bunorü; ascutédele! ⁸Canch'ai à spo ciaré encërch, n'odèi t'en iade plü degügn pa d'èi ater co Gejù. ⁹Dertan ch'ai jea jö dla munt, ti àl proibi da ti cunté a zacai ci ch'ai à odü, cina che le Fi dal Om ne n'ea rosserì dai moré. ¹⁰Cösta parora ti dea da ponsé, y ai se damanà önn l'ater ci che cösc dea ester: rosserì dai moré. **Parora dal Signur.**
Lalt a té, Gejù Crist!



1. Letöra: dal liber dla Gènesi, 22, 1-2.9.10-13.15-18

Salm 116 (115): "I va por mio tru dan da Idio tla tera dai vis." - R


2. Letöra: 1. Lëtra de San Paul ai Romans, 8, 31-34

ZËTAT

"Ci che la Domëgna cristiana ô dì por les porsones ne pòn nia emparé dai libri o te cursc de formaziun. Cösc dé particular n'emparunse nia con na sapionza astrata, mo tla pratica concreta. Döt le significat de cösc dé po mà gnì sontì da chël o chëra co le tin. Söa "saù" sont mà chi co le vir."

Vësko Ivo Muser, te söa cherta pastorala

SS. MESSAS Y FUNZIUNS DAI 4 AI 11 DE MERZ



Oferta por la Ploania

04.03 - 2. Domëgna de Carsëma

6.00: Mëssadora ia La Pli

9.30: Corona por la +nta Maria Rungger dal Hintner

10.00: S. Mëssa por dōta la Ploania

18.00: S. Mëssa por +nt Giuliano Alessandri
por +nta Rosina Mutschlechner dal Bagn
por +nt Otto Trebo de Pire

Lönesc 05.03 - dla 2a edema de Carsëma: Oliva, Dietmar

7.25: S. Mëssa dal ann por +nt Manfred Kraemer
por +nc Hubert Pescoller y Maria Marchi
por les Püres Animes

Dédölönesc 06.03 - dla 2a edema de Carsëma: Fridolin, Franzisca

7.45: S. Mëssa ia La Pli

17.00: VIA CRUCIS - Les Staziuns

Dédemesaledema 07.03 - Memoria de Santa Perpetua y Felizita: Reinhard, Tomësc

18.00: S. Mëssa 2. *Requiem por la +nta Maria Rungger dal Hintner*
por +nt Franz Obwegs da Garsun
por +nc Otto y Maria Taibon dal Sartù

Jöbia 08.03 - dla 2a edema de Carsëma: Jan de Dio, Edo, Michael

17.00: VIA CRUCIS - Les Staziuns


Vëndres 09.03 - dla 2a edema de Carsëma: Franzisca, Bruno

7.10: S. Mëssa por +nc dla fam. Trebo Hermann
dai scolari ad onù dai Agni Custodi

Sabeda 10.03 - Sancta Maria in Sabato: Attala, Milio, Gustav

17.00: Poscibilità da se pissié

18.00: S. Mëssa 3. *Requiem por la +nta Maria Rungger dal Hintner*
por +nc dla fam. Dragotto
por +nt signor Matio Rigo
por +nt signor Fonjo Clara
por +nt Isidor Castlunger da Grones



11.03 - 3. Domëgna de Carsëma

1. Oferta Quatember


6.00: Mëssadora ia La Pli

9.30: Corona

10.00: S. Mëssa por dōta la Ploania

18.00: S. Mëssa por vis y +nc dla fam. Castlunger Lois y Oliva
por +nc Canzio y Rita Comploi de Mano
por +nt Alfonso Vittorio Coppola
por les Püres Animes

CONDOLIANZES



Gejù à dit: „Chi co creï te mè, vir inçe sce ai mör!“

La comunité tol comié da

MARIA RUNGGER

morta al'eté de 87 agn.

Ai familiars ti va les condolianzes plü sontides.

Che Maria pòi palsé tla pêsc de Dio!



U. Loose

Anstieg

Jesus weiß um unsere Sehnsucht nach Gipfelerlebnissen – auch im Glauben. Weil das, was uns im Leben trägt, manchmal so wenig greifbar, so wenig spürbar ist. Jesus weiß darum und führt uns auf den Berg. Die Jünger auf den Berg der Verklärung; unsere Gipfelerlebnisse sehen anders aus: im Gebet, im Gottesdienst, in zwischenmenschlichen Begegnungen.



D. Kremer

Abstieg

Auf den Abstieg Jesu und der Jünger fällt der Schatten des Kreuzes. Jesus spricht von seiner Passion und von seinem Sterben. Auch wenn die Jünger manches nicht verstehen, belasten sie diese Worte. Doch sie gehen nicht ohne Trost ins Tal zurück. Dort, wo ein Schatten fällt, muss es auch Licht geben. Dieses Licht haben die Jünger erfahren: In der Zusage Gottes zu seinem Sohn. Diese Zusage gilt auch uns. Auch wenn Schatten auf unser Leben fällt, bleiben wir im Licht.

SORVISE DAI MINISTRONE

Domëgna 4 de merz - 10.00: Daniel Borroni, Maira Call, Anita Castlunger, Esther Comploi, Samuel Castlunger, Aron Rungger; **Domëgna 18.00:** Maira Call, Jan Erlacher, Martina Kaneider, Rebecca y Filippo Kastlunger, Angelo Marku; **Lönesc (7.25), Dédemesaledema (18.00) y Vëndres (7.10):** Emma y Leo Kastlunger; **Dédölönesc y Jöbia ales 17.00 (Staziuns):** Max Palfrader, Karen y Lisa Ties; **Sabeda 18.00:** Paula y Veronika Erlacher, Anita y Mara Castlunger, Daniel Borroni, David Doria; **Domëgna 11 de merz - 10.00:** Alex Rubatscher, Florian Palfrader, Simone Crusafio, Giuseppe y Anna Chierchia, Melanie Ties; **Domëgna 18.00:** Daniel y Luca Comploi, Richard y Emilie Comploi, Miriam y Alessia Kaneider.